

# **Покиза аёлларга тош отманг! 80 дарра уриласиз**



09:00 / 08.06.2021 2329

Биз аёлларнинг шаънини кўтарган, уларни қадрлашга буюрган Ислом динига эътиқод қилувчи мусулмонлармиз.

Ислом дини бизга жаннат оналар оёғи остида деб таълим берган.

Ислом дини қизини чиройли тарбия қилган ота-оналар учун ўша қиз дўзахдан парда бўлишининг ваъдасини берган.

Ислом дини солиҳа аёл эрининг динининг ярмига ёрдам эканини, қолган ярмида эрнинг ўзи тақво қилиши лозимлигини ўргатган.

Ҳоким ўзининг «Мустадрок» номли китобида, Анас розияллоҳу анҳудан саҳих деб ривоят қилган ҳадисда, Пайғамбаримиз соллаллоҳу алайҳи васаллам «Кимга Аллоҳ таоло солиҳа аёл насиб этган бўлса, Аллоҳ унинг динининг ярмига ёрдам берибди. Қолган ярмида Аллоҳдан тақво қилсин», деб келтиргандир.

Ислом дини бизга аёл киши қиз болалигида унинг нафақаси отасининг, агар отаси бўлмаса, ака-укасининг, эрга теккакч, эрининг, эри ўлса, фарзандларининг зиммасида эканини ўргатган.

Ислом дини аёл кишининг зийнатининг риоясини қилиб, ҳаж, умра қилиб бўлгач, сочининг учидан бироз қирқиши кифоя деб эълон қилган.

Ислом дини аёлни зинода айблаб, бу гапига гувоҳ келтира олмаганларга 80 дарра уриш жазосини тайинлаган ва бўхтончини фосик деб, унинг гувоҳлиги қабул қилинмаслигини эълон қилган. Аёлнинг иффатига, номусига тил теккизганларга ана шундай жазо белгилаган.

Аллоҳ таоло Қуръони Каримда шундай деб марҳамат қилган:

مُهُودْ دَلْجَافَ إِادَهُشَ وَعَبْرَابَ اُوتْأَيْ مَلْمُثَتَ آنَصْحَمْ لَأَنْفُمْ رَيْ نَيْدَلْأَوْ  
نُوقْسَ آفْلَأُمْهَوْ كَئْلُوْأَوْ آدَبَهُ دَاهَشْ مُهَدَّلَ اُولَبَقَتَ آلَهُ دَلْجَنَيْنَ آمَثَ

**«Афиfalарга (бўхтон) тош отиб, сўнgra тўртта гувоҳ келтира олмаганларни саксон дарра уринглар ва уларнинг гувоҳлигини абадий қабул қилманглар. Ана ўшалар фосиқлардир» (Нур сураси, 4-оят).**

Ислом дини бош фарзанди қиз бўлган аёлларни баракали аёллар деб эълон қилган.

Ислом дини аёл-қизлардан хоҳишини сўрамай, уларни турмушга беришдан қайтарган.

Ислом дини никоҳ ўқилгандан сўнг куёвнинг зиммасига келинга маҳр бериш мажбуриятини юклаган. Агар аёл маҳрини олмаса, эрини ўзига яқинлаштирмаслик ҳаққига эга.

Ислом дини аёлни ҳимоя қилаётib вафот этган эркакка шаҳиднинг савобини ваъда қилди.

### **Расууллоҳ соллаллоҳу алайҳи васаллам:**

**«Ким молини ҳимоя қилаётib қатл этилса, шаҳиддир. Ким қонини ҳимоя қилаётib қатл этилса, шаҳиддир. Ким динини ҳимоя қилаётib қатл этилса, шаҳиддир. Ким аҳлини ҳимоя қилаётib қатл этилса, шаҳиддир», дедилар.**

*Термизий ва икки Шайх ривоят қилганлар. Аллоҳ олий ва билгувчироқдир.*

Пайғамбаримиз соллаллоҳу алайҳи васаллам аёлларга яхши муносабатда бўлишни буюрганлар.

Ислом дини мусулмон эркакларнинг яхшиси аёлига яхши муносабатда бўлганидир деб эълон қилди.

Шундай қилиб, Ислом дини аёлларга кўпгина хуқуқлар берди.

Динимиз Ислом аёлларга шундай эҳтиром кўрсатиб турганда ва бизни ҳам аёлларни шундай эҳтиром қилишга буюриб турганда, аёлларимизга зулм қилишдан тийилиб, аксинча, уларни нозик хилқат эканлигининг риоясини қиласайлик!

Бутун дунё аёлларни эъзозлаш учун бир кунни тайин қилган бўлса, биз мусулмонлар эса оналаримизни, опа-сингилларимизни, аёлларимизни, қизларимизни ҳар доим эъзозлашга буюрилганмиз!

Аллоҳ таоло барчамизни Ўзининг ҳидоятидан айирмасин ва хотимамизни чиройли қилсин!

***Нозимжон Ҳошимжон тайёрлади***